



Universitätsbibliothek Paderborn

**Spes & Fiducia, Cvrvis Ivdiciisqve Dei, Erga Homines In Hac
Vita Existentes, Firmata**

Stengel, Georg

[S.I.], 1645

§. 4. Vbi alij desunt, Deum non deesse.

[urn:nbn:de:hbz:466:1-49823](https://nbn-resolving.de/urn:nbn:de:hbz:466:1-49823)

¶ Cap. I. Relictos à Deo curari,

tes , ex quò orti sunt , scaturire destiterunt ; nec mare tot fluvios excipiens mensuram suam excessit ; nec solis ac luna cursus immutationem villam subierunt ; nec diei ac noctis ordines inuerti sunt . Quod si Deus elementis adest , si terræ prouidet , si maria curat , si totā Mundi domum tam diu , tam accurate sustentat , Mundo ipso nec sentiente , nec pro se sollicito ; quid sperare poterit homo , cuius caussa & elementa , & totus hic orbis est creatus ? Qui sepem curat , an hortum negliget ? Qui sementi vigilat , num dormiet messi ? aut pilum , quoniam pellem pluris faciet ?

§. IV.

Ubi alijs desunt , Deum non deesse.

Cùm autem tanquam communis parens omnibus prouideat , maximè tamen curam gerit eorum , qui aliunde deseruntur . Laudat Photius Patriarcha Constantinopolitanus , *Sanctorum virorum librum* , Græco auctore incerto conscriptum , in cuius libri septimi fine , apud Rosvveidum , senem junior interrogat : *Si fuero in aliquo loco , & natuerit mihi tribulatio , & non habuero , cui me committam , & indicem passionem animi mei , quid facio ?* Cui senex respondet : *Crede in Deo , quia ipse mittet Angelum & gratiam su-*

Photius
biblioth.
cod. CX.
C. VIII.
Rosvveid.
lib. 5.

AM 3

am, & ipse tibi est consolatio, si in charitate ro-
gaueris eum. Quibus verbis addidit, audi-
uisse se, in Scithi, aliquando eiusce rei hoc
exemplum contigisse. Ibi enim Ascetā mul-
tis vexatum temptationibus, cum non habe-
ret, cui vel animi tumultum aperiret, sedan-
dūmque præberet; vel apud quem peccata
confiteretur, sub noctem, iam cæpisse para-
re sibi melotem suam, ut, orto die, statione
deserta, migraret. Sed, nocte media, Gra-
tiam Dei, habitu exquisitissimæ virginis, ei
apparuisse, vetuisséque, ne inde latum vn-
guem discederet; sed secum, ~~ad~~dem loco,
perseueraret: nihil enim illi mali euenturū:
si desint homines, non deesse Deum. Perse-
uerauit, & illico mentem tranquillam ac-
cepit; non accepturus, si alibi quæsuisset.
Nempe cum illo sentire oportet, qui dixit:
Gratia Dei sum id, quod sum, & gratia eius 1. Cor. 15.
10.
in me vacua non fuit, sed abundantius illis om-
nibus laboravi: non ego autem, sed Gratia Dei
mecum: quæ tantò plus operatur, quanto
plus momenti habere creditur: credit
autem is magis, qui humanis viri-
bus fudit minùs.